

## **Oqaaseqaasertalersugaasumik takussutissiaq**

Dato: 12. juli 2022  
Kontor: Nordatlantkontoret  
Sagsbeh: Maise Biørn Jørgensen  
Sagsnr.: 2021-490-0319  
Dok.: 2480145

### **pineqarluni**

#### **Kalaallit Nunaanni pinerluttulerinermi inatsisip allanngortinneqarneranik inatsit (akuersissuteqaqqaarnissamik tunngavilimmik pinngitsaaliilluni atoqatiginnineq pillugu aalajangersagaq)**

#### **I. Tusarniaaneq**

Kalaallit Nunaanni pinerluttulerinermi inatsisip allanngortinneqar-neranik inatsit (akuersissuteqaqqaarnissamik tunngavilimmik pinngitsaaliilluni atoqatiginnineq pillugu aalajangersakkamik allannguinissamik siunnersuutaasumut atatillugu piffisami 11. maj 2022 – 8. juni 2022 oqartussaaffeqarfinnut ingerlatseqatigiiffinnut il. II. tusarniaassummik ingerlatitsisoqarnikuuvoq, makkuusunut:

Vestre Landsret, Østre Landsret, Advokatrådet, AmiAmi, Amnesty International, Avannaata Kommunia, Børnerådet, Børnesagerne Fællesråd, Børns Vilkår, Center for Voldtægts ofre, Center mod Menneskehandel, CEPOS, Danner, Dansk Kvindesamfund, Dansk Røde Kors, Danske Advokater, Datatilsynet, Den Danske Dommerforening, Det Kriminalpræventive Råd, Dommerfuldmægtigforeningen, Domstolsstyrelsen, Everyday Sexism Project Denmark, Foreningen af Offentlige Anklagere, Foreningen af Offentlige Anklagere i Grønland, Foreningen Grønlandske Børn, Forsvarerforeningen i Grønland, Grønlands Landsret, Grønlands Politiforening, Grønlands Råd for Menneskerettigheder, Hjælp Voldsofre, Institut for Menneskerettigheder, Joan-Søstre, Justitia, KFUKs Social Arbejde, Kredsdommerforeningen, Kriminalpolitisk Forening (KRIM), Kvinderådet, Kvininfo, Kommune Qeqertalik, Kommuneqarfik Sermersooq, Kommune Kujalleq,

Landsforeningen af Forsvarsadvokater, Landsforeningen for Voldsramte Kvinder, Landsforeningen KRIM, Landsorganisationen af Kvindekrisecentre, Landsorganisationen mod Seksuelle Overgreb, Lev uden Vold, MIO (Børnetalsmanden), Nunatsinni Advokatit, Nunaanni Naligiissitaanissamut Siunnersuisoqatigiit (Ligestillingsrådet i Grønland Kalaallit), Offerrådgivningen i Danmark, PiSiu (Det Grønlandske Kriminalpræventive Råd), Politiforbundet, Pro Vest, Qeqqata Kommunia, Red Barnet, Reden International, Retten i Grønland, Retspolitisk Forening, Rigsadvokaten, Rigspolitiet, Seksualpolitisk Forum, Sexarbejdernes Interesseorganisation aamma Voldtægtslovens Vilkår .

Makkunaniillu Jusititsministeria akissutiniq tigusaqarsimavoq:

Vestre Landsret, Østre Landsret, Amnesty International, Danske Advokater, Den Danske Dommerforening, Domstolsstyrelsen, Forsvarerforeningen i Grønland, Grønlands Landsret, Grønlands Ligestillingsråd, Hjælp Voldsofre, Institut for Menneskerettigheder, Kommune Kujalleq, Rigspolitiet, Rigsadvokaten, Seksualpolitisk Forum aamma Voldtægtslovens Vilkår .

Ataanilu takuneqarsinnaapput akissutiniq tigusaqarfigisimasanit akissutaasut pingaarnerit.

Justitsministeriallu akissutiniq oqaaseqaasiai *equngasumik* allanneqarsimasut takuneqarsinnaapput.

## **II. Tusarniaataasumut akissutigineqarsimasut**

### **1. Ataatsimut isigalugit**

**Østre Landsret** aamma **Vestre Landsret** inatsisissatut siunnersuutaasumut oqaaseqaateqarumanngillat.

**Den Danske Dommerforening, Domstolsstyrelsen, Forsvarerforeningen i Grønland, Grønlands Landsret, Kommune Kujalleq, Rigsadvokaten, Rigspolitiet** aammalu **Seksualpolitisk Forum** inatsisissatut siunnersuummut oqaaseqaatissaqanngillat.

**Amnesty International, Grønlands Ligestillingsråd, Institut for Menneskerettigheder, Hjælp Voldsofre** aamma **Voldtægtslovens Vilkår** tamakkiisumik isigalugu isumaqataaffigalugu ammaffigivaat, Kalaallit

Nunaannut atatillugu pineqaatissiinermut inatsimmi akuersissuteqaqaarnissamik tunngavilimmik pinngitsaaliilluni atoqatiginnineq pillugu aalajangersagakkamik eqqussisoqarnissaa.

**Grønlands Ligestillingsråd** oqaaseqaateqarpoq inatsisit unioqqutillugit atoqateqartarnerit persuttaallunilu inatsissinik unioqqutitsisarnerit inuiaqatigiinni kalaallini annertoorujussuarmik ajornartorsiutaasut taamaammallu inatsisissamik siunnersuummik tapersersuillutik ilaliillutik.

**Amnesty International** allappoq, inatsisissatut siunnersuummi oqaaseqaatini tamanut atuuttuni erseqqissumik ersersinneqartariaqartoq pinngitsaaliilluni atoqateqarneq suiassutsimik tunngaveqartumik pinerlunnerusoq, tassani annertunerpaamik eqqorneqartut tassaasarmata arnat nivarsiaqqallu, isiginngitsuusaarnaguli angutit aammalu suaassuseqarnerminnik illuinnaasuunngitsut aamma pinngitsaaliilluni atoqatigineqartarmata.

## 2. Akuersinermik oqartarneq

**Amnesty International** kaammattuuteqarpoq pineqaatissiinermut inatsimmi § 77 imm. 1 pillaatissiinermut akuersineq pillugu, tassani ersersinneqarluni akuersineq immineq piumassutsimik tunngaveqassasoq takutitsisumik pisumi tunngaviusut aalaavigalugit naliliinermi, naqisimaneqanngitsumik akuersisoqarsimanertut.

**Danske Advokater** maluginiarpaat, pineqaatissiinermut inatsisip § 77-ianni, imm. 1 aamma 2-mi missingiussaasut pillaatissiinermut inatsisip akuersineq immineq piumassutsimik oqarnani § 216-iani allanneqarsimasunut assingummata, tamannami Qallunaat Nunaanni immineq piumassutsimik tunngaveqartumik atoqatigiinnermut atatillugu Straffelovsrådimi amerlanerussuteqartunit isumaliutissiisummi 1574/2020-imi siunnersuutaasimagaluarimat. Danske Advokatinit tamatumunnga atatillugu erseqqissarneqarpoq tungiminnit Stralovsrådimit immineq kajumissutsimik taasineq taamallu akuersinertut taanagu atuinissamik siunnersuutigisaat isumaqatigigamikku.

*Inatsisissatut siunnersuusiami nalinginnaasumik oqaaseqaatigineqartuni imm. 2.3.1-imi takuneqarsinnaasutut, Justitsministeria isumaqarpoq Qallunaat Nunaanni atuutsinneqartoq naleqqunnerussasoq Kalaallit Nunaannut atatillugu naleqqunnerusoq akuersinermik oqarneq tunngavigalugu ilusiliisoqarpat taamallu tamanna atorlugu*

kinguaassiutinik aallaaveqartumik aaliangiisinnaaneq  
isumannaarneqarpat taamallu pinngitsaaliinermik tunngaveqartumik  
aaliangersakkap iluani immineq piumassutsimik oqarneq atornagu  
ilusiliisoqarpat, tassanilu ilaatigut innersuussutigineqarluni tamanna  
atorneqarpat akuersissuteqaqqaarnissamik tunngavilimmik  
pinngitsaaliilluni atoqatiginninneq pillugu aalajangersagakkamik  
eqqugaasup pisumi tunniusimannginnera pinnittoq  
pisussaaffilerneqartussaassammatt isumannaassallugu, aapparisami ilumut  
akuersisimanera, taanna pisumi peqataajumassuseqartutut  
pissusilersorsimanngippat immineq piumassutsimik tunngavilerlugu  
aaliangersagaasumut sanilliullugu.

Justitsminitseriamit maluginiarneqarpoq, Straffelovsrådimi immineq  
kajumissutsimik tunngaveqartumik oqaasertaliinissamik ilaasortanit  
amerlanerussuteqartunit siunnersuutigineqartoq aammalu akuersinermik  
oqaa-sertaliinissamik ilaasortanit ikinnerussuteqartunit  
siunnersuutigineqartoq, tamarmik imarimmassuk tamakkiisumik isigalugu  
akuersisoqarsimanermik naaliliinissaq. Siunnersuutaasullu taakku  
marluusut tamarmik pisumi uninngaannarluni peqataasimannginneq  
immineq kajumissutsimik peqataasimanertut imal. akuersilluni  
peqataasimanertut nalilersuiffiusussaassammata. Tamanna  
tunngavigalugu Justitsministeria isumaqarpoq, "akuersineq"  
erserlunnerunngitsoq "immineq kajumissutsimik" oqarnermit  
paatsuunganarnerunani.

### **3. Peqataarusuttut pissuseqannginneq/uninngaannarneq suli sammillugu**

**Amnesty International** allappoq, uninngaannarneq akuersinertut  
nalilerneqarsinnaasariaqanngitsoq. Suliniaqatigiiffiullu aamma  
akunnattuunganartoqartippaa, uninngaannarneq siusinnerusukkut  
atoqatigiinnermik akuersaarinnissimanertut nalilerneqartoq  
kingusinnerusukkut pisumi akuersaarinninnertut nalilerneqassappat.  
Tamatumunnga tapertatut nassuiaasiordermi amerlanerusunik  
assersuusiornissaq inassutigineqarpoq, pjneqartillugu akuersinermik  
ersersitsisimannginneq, pisulli ingerlaneranni uninngaannartoqarsimalluni,  
tamannalu tunngavissaqartitsivoq akuersinermik naliliinerup qanoq  
annertutigisimaneranik nalilersueqqinnissaanik.

*Siunnersuummi pkt. 2.3.2.-mi inatsisissatut siunnersuusiami nalinginnaasumik oqaasertaliussani aammalu inatsisip §1 nr. 1-iani takuneqarsinnaasutut, tunngaviatigut natsorsuutigisariaqarpo, inuk atoqatigiinnissamut akuersisimasoq, atoqatigiinnerup pinerani uninngaannarnaviannngitsaq, arlatigulli peqataassasoq, soorlu oqalunnermigut imal. iliuseqarnermigut. Taamaattumik inuk atoqatigiinnissamik kissaateqartoq iliuseqartariqarpoq isumannaarumallugu atoqatigisap ilumut akuersinera. Aamma pineqartoq uninngalluinnaraluarpat tamatumunnga tamakkiisumik isigalugu apeqquserneqartussaassaaq atoqatigiinnermi tunngaviatigut akuersaarneqartutut nalilerneqarsinnaanersoq.*

*Aamma inatsisissatut siunnersuusiami ersipportaaq, uninngaannarnermi naliliinissaq, siusinnerusukkut pineqartut atoqatigiissimanersut, aamma aappasup uninngannarneranik ingerlasumik, taamallu qunusaarisooqarsimannngitsumik allatulluunniit tunngaveqanngitsumik ingerlasimalluni, imal. pineqartut siusinnerusukkut kinguaassiuutitigut aallaaveqartumik ingerlatsisimannngitsut.*

*Justitsministeriamit maluginiarneqarpoq, uani pisut pineqarmata, atoqatigiinnerit siornatigut akuersaarinninnermik tunngaveqartumik pisimasut, taamallu pineqaratik atoqatigiinnerit akuersinertaqanngitsumik aallaveqartut.*

#### **4. Atoqatigiinnerup qanoq isumaqartinneqarnera**

**Amnesty International** siunnersuuteqarpoq, atoqatigiinnermik taasineq annertusineqassasoq ilanngullugu qaneq atorlugu pisartut, taamatut iliornikkut inngitsoortinneqarsinnaammat, pinngitsaaliilluni qanikkut taamallu kinguaassiuutitiguunngitsaq itikkulluunniit pinngitsumik atoqateqarnerup sutut sakkukinnerusutut nalilerneqarsinnaanera. Tassani innersuussutigineqarpoq Istanbulkonventionemi artikel 36, imm. 1, naqinneq a, taassuma mali-tsigisaanik pineqartut isumannaassallugit inatsisitigut allatigullu isumanaarinnissutit isumannaarinnissutaasut, pisup kinguaassiuutikkut, itikkut imal. qanikkut atoqatigiinnerusut timip ilaanik allap timianik imal. allamik atortoqarluni pillaatissiissutaasinnaasumik ingerlanneqarsimannnginneranik.

*Justitsministerieamit maluginiarneqarpoq, Pineqatissiinnermut inatsisip § 77-iat aamma atuuttoq pisuni nalinginnaasumik atoqatigiinnertut iluseqartuunngitsuni. Taamaattumik taamatut ilineratigut soorlu*

*matussuserneqarputtaa qanikut atuineritt aammalu soorlu assersuutigalugu kinguaassiuutinik qaneq atorlugu aluttuillunilu attualaarinninnerit.*

*Justitsministerialu isumaqarpoq "atoqatigiinneq" naleqqunnerusoq ulluinnarpalaartumik oqalunnerni paasinartulariniarlugu pisumi arnap utsuanut itianulluunniit usummik mangutsisoqarsimasoq.*

## **5. Pitsaaliuiniarluni iliuutsit il.il.**

**Amnesty International** allappoq, eqqartuussiveqarnermi akuersinernik atuuttussanngortitsinnissamut iluaqutissanik peqarnera pillugu inatsisissatut siunnersuummi allaqqasoqanngitsaq. Suliniaqatigiiffiullu erseqqissarpaa, pineqaatissiinermut inatsimmi allannguiniarnermut atatillugu, iluaqutissat ilanngunneqartariaqarneri, eqqartuussivinnut atatillugu suliaqartunik ilinniartitsinermut atorneqarsinnaasunik, inatsimmik naqissussiinissamut tunngatillugu.

**Hjælp Voldsofre** allappoq suliniaqatigiiffiup tungaanit inatsimmi aaliangersaassummut pineqartumut atatillugu oqaaseqaatissaqarnani. Kisiannili suliniaqatigiiffiup maluginiaquaa, pisunik inatsisinik unioqqutitsinertut siammasinnerusunngortitsinerit immineq atasinnaanngitsut, pisariartorli atornerlunneqarsimasinnaasut eqqarsaatigalugit soorlu assersuutigalugu politiini annertunerusumik paasinnissinnaassuseqarlunilu tigusilluarnerusinnaanissaq. Taakku saniatigut maluginiarneqarpoq pisariaqarmat immikkut taaneqartunut saaffissamik pilersitsinissaq aammalu tapersiisinnaanerit ikiorsiisinnaanerillu iluini, pin-ngitsaaliilluni atornerluisimanernut nalunaarutiginninnernut atatillugu periarfissanik, pitsaanngorsaanissaq.

**Institut for Menneskerettigheder** erseqqissaavoq, pingaartuummat, inatsisip allanngortinniarnarata saniatigut suliniuteqartoqarnissaq anguniarlugu kinguaassiuutitigut atornerluisarnerit pitsaaliornissaat aammalu killiliiffiiumallugit suaassutsit akornanni atuisarnerit naapertuutinngitsumik pisartut. Kiisalu aamma erseqqisarneqarpoq pingaartuummat paasisitsiniaanissat ingerlannissaat kiisalu ilinniartitsisoqarnissaq.

**Voldtægtsofres Vilkår** tungaanit maluginiarneqarpoq, pinngitsaaliilluni atoqateqarnermut atatillugu nutaamik aaliangersaasiorniarneq immineq naammangitsaq taamallu allatut aamma iliuuseqartoqartariaqartoq eqqorneqarsimasut inatsisitigut illersornissaat isumannaarumallugu, aamma

tarnikkut kingunipiluutaasut pillugit sukumiinnerusumik misissuinissat eqqarsaatigalugit. Danmarkimi pisunik nalunaarutiginnittarnerit amerliartornerat innersuussutigalugu, Voldtægtsofres Vilkår kaammattuuteqarpoq politiit iliuseqarsinnaanerisa tunngaviat nalimmassarnejassasoq aammalu taamatuttaaq peqqinnissaqarfiit eqqartuussiviillu. Kiisalu saniatigut kaammattuuteqarpoq, paasisitsiniaasoqassasoq ilinniartitsinermullu tunngasutigut suliniuteqartoqassasoq, angujumallugu inatsisip siammasissumik ilisimaneqalernissaa.

*Justitsministeriamii ilisimatitsissutigineqarsinnaavoq Danmarkimi pinngitsaaliineq pineqartillugu akuersissuteqarnissamut aalajangersakkap assingusup akuersissutigineqarneranut atatillugu naligiissitaanermut ministerip paasisitsiniaanermik ingerlatsisimanagera. Aammattaaq meeqqat atuarfiini kinguaassiuutit pillugit ilinniartitsinerup nukittorsarneqarnissaanut aningaasaliisoqarsimavoq, tassani atuartitsissummi Sundheds- og Seksualundervisning og Familiekundskab-imi akuersisarnej ilaatinneqarluni.*

*Justitsministeriamiiittaaq ilisimatitsissutigineqarsinnaavoq inatsiseqarnikkut ukiuni kingullerni Kalaallit Nunaanni pinerlineqarsimasunut ikiuineq annertusisamik ukkatigineqarmat, tassungalu atatillugu inatsimmi nr. 572, 10. maj 2022-meersumi pinerluttulerinermi suliani pinerlineqartut inatsiseqartitaanerat nukittorsaavigineqangaatsiarmat. Tamatuma saniatigut Justitsministeriaqarfik inatsiseqarnermi oqartussat allat peqatigalugit Danmarkimi pinngitsaaliilluni atoqatiginninnerit pinngitsoortinniarlugit suliniutigineqarsimasunik misissuivoq, tamannalu tunuliaqutigalugu aamma suliniutinik assingusunik Kalaallit Nunaanni pilersitsisoqarnissaq aallartisarlugu. Aammattaaq maannakkut Rådet for Grønlands Retsvæsenimi eqqartuussisuserisoqartitaasinnaanermut aaqqiissummik Kalaallit Nunaanni pilersitsinissamik periarfissat eqqartorneqarput. Tamanna isumasioqatigiissitap ataatsimiinnermi kingullermi 2021-mi pisumi eqqartorneqarnikuuvoq, eqqartorneqaqqittussaallunilu septemberimi ataatsimiinnissami Nuummi pisussami 2022-mi, tassunga atatillugu pilersitsinissamut isumassarsiat saqqummiunneqassallutik.*

## **6. Inatsissatut siunnersuummut atatillugu oqaatigiumasat allat**

**Danske Advokater** tungaanit maluginiarneqarpoq, pillaatissiinermut inatsisip § 216, imm. 2-ani kingullermik annertusissutini ilanngunneqartut

inuit 22-inik ukioqalersimasut 15-it inorlugit ukiulinnik meeqqanik atoqateqartut, Kalaallit Nunaanni inatsisissatut siunnersuusiami ilaanngimmat.

*Justitsministeriap Naalackersuisut ingerlaavartumik Kalaallit Nunaannut inatsisiliornermi iliuusissat suut nukissat pigineqartut eqqarsaatigalugit pingaarnersiunermi salliutinneqassasut pillugit oqaloqatigisarpai. Taamaattumik Naalackersuisut allannguutissaq Kalaallit Nunaannut ilanngunneqassasoq kissaatigippassuk, taava suliami salliutitassat il.il Nalackersuisullu isumaqatigiissutigineqarumaarput.*

**Amnesty International** kaammattuuteqarpoq, inatsimmik allannguinnissamut atatillugu suliarinninneq aammalu atuuttussanngortitsineq sukkanerusumik suliarineqassasut, inatsimmut allannguut missingiusiornerup kingorna atuutilersussaassammat 1. juli 2023 aallarnerfigalugu.

*Naalagaaffiup inatsisissatut siunnersuutaat, Kalaallit Nunaannut tunngasut imal. atuutilersinneqarsinnaasut, Folketingimut saqqummiussassanngorlugit nassiunneqartinnagit Kalaallit Nunaanni Namminersorlutik Oqartussanut oqaaseqarfigineqartussanngorlugit ingerlatinneqaqqaartussaapput, tak. Kalaallit Nunaanni Namminersorlutik Oqartussat pillugit inatsimmi 17, imm. 1. Justitsministeriap inatsisissatut siunnersuut Inatsisartuni 2022-ip ukiaanerani oqaluuserisassanngortillugu Namminersorlutik Oqartussanut nassiuppaa. Tamatuma kingorna naatsorsuutigineqarpoq inatsisissatut siunnersuut Folketingimi 2023-ip ukiuunerani saqqummiunneqarumaartoq.*

### **III. Inatsisissatut siunnersuut**

Inatsisissatut missingiummut tusarniaassutitut nassiunneqartumut atatillugu, inatsisissatut siunnersuummi imarisaasut nassiunneqartut allannguuteqanngillat, taamaallaallu oqaasissiorneqarnerisa inatsisillu suliarineqarnerani tekniskiusumik nalimmassagassat ataasiakkaat allannguutaallutik.